

Wem er ie schaden getet der kam viendliche genug  
Es half also ein bette was er iē vff sie  
geslug  
Das kam ime hitzel zu statten wanne  
sie brochtent in in not  
Die in bestanden hatten die vorchtent  
nüt den tot  
Das treip wolff dieterich wol ein  
gantze nacht  
Also krefftikliche mit manigem geiste  
er vacht  
Sie hettent in betöübet im geschach  
nie so we  
Das er vff sine houbet wart wis also  
der sne  
Do die münche des morgens zu mettin  
woltent gan  
Die geiste in alrerst hettent dar von  
gelan  
Ime was geswunden er lag also ein  
toter man  
Do in die münche fundent sie wondent  
es wie vmb in ergan